

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili Timor-Leste/ Mobile + 670 7799 9304, 7724 2717/ forumong.tl@gmail.com, timordiak@gmail.com/ <https://fongtl.org.tl/>

SUBMISAUN BA PARLAMENTU NASIONAL

KOMISAUN C. KONA-BA PROPOSTA

ORSAMENTU GERAL ESTADO TINAN 2022

KONTEÛDU:

KAPA.....	1
KONTEÛDU.....	1
INTRODUSAUN.....	1
REKURSU UTILIZADU LA EFETIVU.....	2
KAUZA NEBE KONTRIBUI BA EZEKUSAUN OGE LA EFETIVU NO MENUS PRODUTIVIDADE.....	3
JESTAUN INSTITUTU PÙBLIKU NO EMPREZA ESTATAL LA EFETIVU.....	3
ISTORIA ALOKASAUN OGE BA SETÒR EDUKASAUN.....	4
INTRANSPARANSIA BA REDUSAUN OSAN BA PROGRAMA UKL.....	5
PERGUNTAS BA NAI DEPUTADUS/AS.....	5
REKOMENDASAUN.....	5
FINÀL.....	6

INTRODUSAUN.

FONGTIL apresia tebes Parlamentu Nasiona komisaun C ne'ebé fó espasu ba sosiedade sivíl, hodi rona ami nia hanoin iha panorama OGE 2022 iha Sentru formasaun Tibar no iha audiénsia ohin. Aproveita oportunidade ida ne'e, FONGTIL hakarak fó hanoin ba komisaun C kona-ba PPL lei Orsamentu Geral Estado 2022 (OGE).

REKURSU UTILIZADU LA EFETIVU.

Interpretasaun ba situasaun kiak iha Timor-Leste ne'ebé la hanesan ba dadus tuan sira. Relatóriu governu nian balun iha meius komunikasaun ne'ebé temi katak populasaun timoroan ne'ebé moris kiak liuhosi porsentu 68, iha dimensaun oin-oin. Ida ne'e bele halo konfuzaun ba sira ne'ebé maka hatene ona kona-ba número sira [Banku Mundiál nian kona-ba ba moris kiak porsentu 49,9 no porsentu 41 ba tinan 2009, ne'ebé uluk Governu fó sai tiha ona. Persentajen rua ne'e, maski reprezenta hela dezafiu ida ne'ebá boot ba kombate hasoru kiak iha Ita-nia nasaun, hatudu tendénsia ne'ebé di'ak atu menus.

Relatóriu ida ne'ebá mak uza abordajen IPM nian rekoñese melodia ne'ebé halo entre tinan 2007 no 2010: “iha 2007, família porsentu 70 moris-di'ak iha dimensaun oin-oin, maibé iha tinan 2010 persentajen ne'e hetan de'it porsentu 63. Ida ne'e hatudu momoos katak iha melodia ida iha moris di'ak, iha períodu ida ne'ebé badak, ne'e rezultadu ida ne'ebé maka motiva tebes”. Número timoroan nian ne'ebé moris iha kondisaun mukit nian hatuun husi porsentu 50,4 iha tinan 2007 ba valór ida ho estimasaun ba porsentu 41,8 iha tinan 2014. Tinan 2021 sei mantein dadus kiak iha Timor-Leste 41.8 porsentu

Hahú 2002-2021 Guvernu ezejuta ona orsamentu billoens sanulu resin lima(15) ba dezvoltamentu maibé foin konsege redús kiak husi 50,4 iha tinan 2007, hatuun ba 41,8 agora Ita iha. Foin redús de'it 8.6 porsentu. durante tinan sanulu resin lima (15), dezempregu 11%, ma nutrisaun króniku 36%, forsa dé traballu 62% no joven dezempregu ne'ebé rejistu iha SEFPOPE 11 míl mak hein hela atu ba servisu iha Australia. Kauza redusaun kiak hatuun neineik liu;

1. Setor sosiál la hetan investimentu boot liuliu setór Saude, Edukasaun, Agrikultura, Infrastrutura Baziku.

2. Stabilidade polítika no Stabilidade governasaun. Stabilidade polítika normál de'it iha periode 2007-2012, periode 2012 sa'e mai Ita hasoru impasse polítika, ikus liu pandemia COVID-19.
3. Governu la konsisténsia, ezemplu ida. Iha prioridade governu ba 2022 tau setór sosiál nu'udar primeira prioridade maibé iha pakote fiskál, alokasaun ba setór sosiál la hetan porsentu boot ou la hetan prioridade.

FATÒR NEBE KONTRIBUI BA EZEKUSAUN OGE LA EFETIVU.

Fatór tolu mak kontribui ba ezekusaun tinan-tinan la atinji 90% no la prodús outcome significante

1. Politika Deskonsentrasaun, sistema dezkonsentrasaun la entrega kompletamente/100% ba governu lokál, polítika dezkonsentrasaun ne'ebé atuál entrega ba munisípiu ninia porsaun kik tebes ou la-maximu por exemplu; asuntu Merenda Eskolar atuál entrega ba governu munisipál mak organiza (porsaun ne'ebé ki'ik), maibé ezijénsia dezvoltimentu iha terenu/Munisipiu boot tebes hanesan, programa PDIM, munisípiu define prioridade maibé Nasional mak determina. Ezemplu seluk konstrui infraestrutura báziku (Estradas rurál MOP seidauk delega kompeténsia ba Munisípiu). Podér dezkonsentrasaun ba asuntu aprovizionamentu no finansas entrega kompletamente/100% ba diresaun Politika Governu Municipal, konserteza polítika refere sei apoia governu sentrá/Nasional iha ezekusaun OGE.
2. Rekurusu Humanu foka ba kapasidade adaptasaun era dijitalizasaun, FONGTIL mós analiza katak, fatór rekursu umanu sai dezafiu ida ba ezekusaun OGE iha Ministerio hotu, hodi halo servisu tuir utiliza teknolojia dijital nune'e bele kontribui ba ezekusaun OGE iha Ministeriais. Nota katak sira halo servisu manuál hela ezemplu CPV no dokumentu pagamentu sira sei uza manuál.
3. Koordenasaun internál Ministériu no koordenasaun Inter-Ministeriál. Ego Ministériu kontribui ba ezekusaun OGE labele la'o ho efetivu. Ezemplu Ministériu MEKAE, MTCI no MAP entermus atu dezenvolve turizmu, harii indústría transformadora no hasa'e produsaun agríkola nune'e bele kompleta malu. Ita la hare ida ne'e iha munisípiu ruma. Fungsaun públiku la kontribui másimu. Fungsaun públiku la halo performance review ba gestor sira iha nivel Ministériu hodi avalia sira nia produtividade hare husi output ne'ebé delivera no outcome ne'ebé atinji kada tinan husi gestor sira. Ezemplu réal MAE halo

rekrutamentu ba pozisaun Administradór dó Postu iha Munisípiu Ermera, ne'ebé maioria Vaga ba Administradór dó Postu prenze husi Profesór ativu ne'ebé hanorin iha Escolas Sira iha Munisipiu Ermera, situasaun ne'e atu hatete katak, MEJD lakon rekursu lubun ida tanba MAE foti Profesores ativu refere hodi prega ba vaga Administradór dó Postu, (*Bele konfirma Administradór atuál ba Postu lima/5 iha Munisípiu Ermera*).

4. JESTAUN INSTITUTU PÙBLIKU NO EMPREZA ESTATAL LA EFETIVU NO MENUS PRODUTIVIDADE.

To fin fulan Outubro 2021 ezekusaun OGE foin atinje 52%, bele konsidera wainhira ezekusaun labele la'o di'ak tanba COVID-19 no medidas Serka Sanitaria/SS no Konfinamentu Obrigatóriu/KO, la hare ba porsentu ezekusaun maibé hare ba rezultadu mak atinji.

Iha istória ezekusaun tinan 10 ba kotuk mós nunca rejista ezekusaun atinji 100%, maski mákina estadu funsiona ho funsionáriu públiku to ona rihun haat nulu(40), sei dauk konta ho funsionáriu sira husi, institutu públiku, empreza estatál no apontamentu polítika. Konta hamutuk bele liu ona rihun lima nulu(50).

Komparasaun populasaun Timor-Leste 1. 3 milloens ho funsionáriu públiku 50 míl bele dehan rekursu umanu suficiente ona atu ezekuta orsamentu kada tinan 1.5 Billoens to 2 Biloens. Orsamentu aloka ba selu funsionáriu públiku kada tinan juta atus rua tolu nulu (230 Juta) maibé produtividade husi Fungsionariu públiku sei sai diskusaun iha públiku. Situasaun ne'e kauza husi jestaun ba rekursu umanu mak seidauk di'ak no seidauk pozisiona ema ba iha fatin ne'ebé la loos(the right man on the wrong place). Funsionáriu públiku barak la produtivu ona tanba lei funsaun públiku la obrigatóriu aplika ba funsionáriu ne'ebé atinji ona tinan nen nulu(60) tenki reforma, maski governu kria ona INSS. Kolokasaun funsionáriu iha ministériu sira sai preokupasaun boot. Dadus sosiál audit FONGTIL nian iha tinan 2018-2019 kona-ba dezempeñu Extensionista suku maioria la halo tos ezemplár no la introdús téknika agrikultura prepara tos, kuda hare no seluk tan tuir Sistema modernu ba hasa'e produsaun agríkola.

Instituisaun públiku ida-idak halo rekrutamentu no dezenvolve estratéjia hodi rekruta ema barak, maibé husi ema hirak ne'e laiha deskrisaun servisu ne'ebé klaru ikus mai dezenvolve de'it uma mak andár, karreta mak bar-barak maibé intermus produtividade sei pergunta hela. Nu'udar ezemplu ida de'it , Agencia Tatoli nia estrutura ho Jornalista hamutuk 30 pessoas maibé qualidade prodús

notísia la faktuál no atuál no laiha diferente ho média online sira. Empreza estatál hanesan: Timor GAP, ANPM, IPG, EDTL-Ep no BTL-EP, kada tinan hetan alokasaun osan boot. Ezemplu Timor GAP tinan 2021 husu \$ 66 millaun no 2022 propoin \$35 millaun, maibé Timor Gap nunca apresenta dezvoltimentu servisu ruma husi ninia produtividade no rezultadu signifikante ba Públiku Timor Leste, relasiona ho Osan Millaun ba Millaun ne'ebé investe ba iha Timor Gap iha ninia servisu, investimentu boot ne'ebé Governu RDTL investe ba Timor Gap kada tinan husi OGE nunca rezulta rendimentu ne'ebé boot no makas ba kofre Estado Timor Leste (investimentu vs rendimentu).

Prezidente BTL-Ep no Prezidente EDTL EP Sira ninia vensimentu kuaze rihun neen (\$6,000.00) kada fulan, maibé prestasaun servisu iha empreza rua ne'e povu la sente no empreza rua (2) ne'e nia rendimentu atu finansia sira nia an de'it mós la to, empreza rua ne'e seidak hatudu produktu ruma ka planu negósiu ba Parlamentu Nasional kona-ba planu estratéjia ba sustentabilidade no to bainhira mak sira nia orsamentu la dependénsia ona ba OGE.

Komunidade kontinua halarik ba Bee mós iha territóriu nasional, tuir relatóriu avaliasaun FONGTIL nian ba PEDN setór Bee mós no saneamentu iha Dili laran foin uma kain rihun sanulu resin haat (14 míl) mak hetan instala torneira ba sira nia uma, maibé ho inundasaun dia 4-5 Abril 2021. Sistema hirak ne'e balun hetan estragus até agora seidak normaliza. Eletrisidade kontinua depende osan sosa mina husi OGE, ahi kontinua mate lakan iha territóriu nasional. Nai Deputadus/as serake Ita kontinua moris ho situasaun hanesan ne'e? Pergunta ba Nai Deputadus/as, karik empreza Estatal hirak ne'e apresenta planu inovativu ruma ba Nai Deputadus/as? karik Sira apresenta ona ba Nai Deputadus/as, Ita boòt sira fiar katak sira bele ezejuta?

ISTORIA ALOKASAUN OGE BA SETÒR EDUKASAUN PERIODU 2011-2019.



Rezultadu avaliasaun FONGTIL nian ba implementasaun PEDN 2011-2019 hatudu katak alokasaun orsamentu ba setór edukasaun husi billoens sanulu resin lima (15 billoens), ba setór edukasaun la to'o billoens ida (bele asesu relatóriu avaliasaun PEDN setór edukasaun iha <https://fongtil.org.tl/>). Iha 2021 OGE ba setór edukasaun iha tendénsia sa'e, alokasaun orsamentu ba setór Edukasaun ho montante US\$111,478,459 Millões, maibé iha tinan 2022 iha tendénsia redús, hetan de'it 81,708,632 USD.

Maski MEJD fó prioridade makas ba edukasaun inkluzivu, maibé deskobrimentu husi programa auditoria sosiál ne'ebé FONGTIL lidera, hatudu katak implementasaun edukasaun inkluzivu seidauk responde tanba la iha facilidade no acessibilidade ba ema ho deficiente (EhD). Até data mós edukasaun seidauk halo avaliasaun ba implementasaun kurríkulu primeira siklu no segundu siklu.

INTRANSPARANSIA BA REDUSAUN OSAN BA PROGRAMA UKL.

Iha data 27/09/2021, FONGTIL organiza enkontru urjente entre FONGTIL, PNDS, no Membru Mata Dalan Institute (MDI) ho UPMA, hodi diskute kona ba asuntu osan PNDS_UKL husi \$44 millaun korta ba \$8 millaun, no iha tempu ne'ebá UPMA informa katak, razaun korta osan husi MAE liu liu ba PNDS_UKL, hare ba situasaun balun iha futuru (2022) hanesan tuir mai;

1. Tinan 2022 konsidera hanesan tinan festa demokrasia (kampaña no eleisaun PR;
2. Konserteza programa ne'ebé Ministerio sira planeia sei la realiza 100%, relasiona ho nù 1.

PERGUNTAS BA NAI DEPUTADUS/AS.

1. Oinsa Outcomes ka rezultadu husi levantamentu \$650miliaun no adisionál \$50miliaun, ne'ebé sosa asaun (Saham) husi Shell no Conoco Philips ne'ebé ho persentajen 65% ?

2. Oinsa na'i deputadu sira bele partilla ho ami kona-ba relatóriu anuál husi empreza estatál hanesan; Timor GAP, ANPM, EDTL.Ep, BTL.Ep bazeia ba na'i Deputadu sira nia fiskalizaun?

REKOMENDASAUN.

Maske OGE 2022 alokasaun pur programa ho nia indikadór sira ne'ebé mensiona iha libru rua(2) OGE 2022, maibé nafatin sujere ba Parlamentu Nasional atu halo fiskalizaun iha nia implementasaun hodi hare duni katak ministériu sira atinji duni indikadór sira ka lae? Nune'e sai baze ba Parlamentu atu koá ka aumenta osan ba ministériu sira.

1. Persiza transforma ona estadu liu husi implementa polítika desentralizasaun no muda estatutu funsionáriu públiku. Atu garante alokasaun justu ba munisípiu hotu bazeia ba prioridade munisípiu nian. Sujere ba Parlamentu Nasional halo lei foun hodi muda estatutu funsionáriu públiku ba adapta sistema rekrutamentu ne'ebé ajénsia no sosiedade sivíl adapta katak rekrutamentu bazeia ba nesesidade servisu no durasaun servisu nune'e bele iha kompetisaun pur méritu, nu'udar parte ida husi reforma administrasaun ne'ebé kontribui ba prestasaun servisu ba populasaun ho efetivu no efikásia. Ezemplu simples ida agora dadaun Ita selu funsionáriu ida maibé nia prodús de'it be aqua ida la nakonu mas nia simu vensimentu aqua ida nian.
3. Tempu ona halo avaliasaun ba profesór no estudante no tempu ona atu diskute kona-ba kualidade edukasaun. MEJD la iha planu atu estabese sistema baze dadus rekursu umanu ministériu hodi identifika lolos kuantidade no kualidade rekursu umanu. Entidade estadu nian presiza tama ona ba diskusaun sériu kona ba kualidade edukasaun hafoin tinan 20 Ita hetan independénsia hodi prepara foin-sa'e sira ba futuru. Presiza mós hasa'e padraun, no tenke rigór iha avaliasaun ba mestre sira inklui ba estudante hodi bele hetan outcomes edukasaun ne'ebé ho kualidade
4. FONGTIL husu ofisialmente ba Komisaun C_PN hodi husu ba parte Orgaun Ezekutivu para aumenta osan ba programa PNDS_UKL refere, hodi nune'e bele asegura intereses públiku (Maluk Kbit Laek) hodi dignifika Sira nia vida, ne'e mós meius ida hodi redús kiak iha Timor Leste, purké Governu hakmaan responsabilidade balun husi Maluk Kbit Laek.

FINÀL.

Hein katak Parlamentu Nasional bele konsidera opiniaun no rekomendasaun OSS nian, ba Ita hotu nia kooperasaun ofisiál la haluha FONGTIL hato'o Obrigado Wain.

FONGTIL, 15 de Novembru 2021.



Daniel dos Santos Carmo
Diretor Ezekutivu FONGTIL

linha ministerial mak halo ba ministerials konaba avaliasaun deznpenhu de trabalho ba fungsionario kada